


Dise Corpora rüren in einer hohlen kugel mit all iren ecken an / wie ich hie for die selben kugel auch aufgerissen hab / vnd dise corpora magst du von einer groß zwifach durch einander reysen / also dz alweg das ein eck durch des anderen planum sticht / das sticht im werck gar erdig. Du magst auch auf dise körper auf einen y den plano einen spitzen punct setzen / nider oder hoch er haben so von vill ecken als der planus hat darauff er stet. Solichs magst du auch gebrauchen mit den vngeregulirten corporen / wo sie in einer spera oberall anrüren.
 Ein yedlich corpus das mit geraden ebenen beschlossn wirt das mus eck vnd scharpffseiten haben. Das heyst ein scharpfe seiten / da zwö ebenen zusammen stossen / sie sein im winckel weyt oder eng. Ein yedlich ganz kuglet ding hat kein eck / es sey ablang oder rund. Auch sind noch vill hübscher corpora zu machen / die auch in einer hohlen kugel mit all iren ecken anrüren / aber sie haben vnzeleyche felder / der selben will ich eins teils hernach aufreysen / vnd ganz aufgethan / auf das sie ein yedlicher selbs zamen müz legen / welcher sie aber machen will der reys sie grösser auf ein zwifach gepapert papier / vnd schneyd mit einem scharpfen messer auf der einen seiten all reys durch den einen pogen papiers / vnd so dan all ding auß dem vberigen papier geleidigt wirt / als dann legt man das corpus zu samen so lest es sich geren yn den ryssen piegen / darumb nym des nachfolgeten aufreysens acht / dan soliche ding sind zu vill sachen müs.
 Das erst Corpus das mit ganz mit seinen planē gleich an einander ist / das hat vier sechs ecketer vñ drey driangleter ebner felder / aber die scharpfen seiten sind all gleich lang aneinander / vñ so dis Corpus als es offen ist zamen geschlossen wirt / so gewint es zwölff eck vñ achtzehen scharpfer seiten.

35



Das ander vngereguliert Corpus / hat sechs achtecketer / vnd acht dis Corpus als es offen auffgerissen ist zusammen leget / gewint es sechs vnd dreissig scharpfer seiten.

36

